



# NOS D. DR. BENVENUTUS MONZON ET MARTIN,


DEI ET SANCTÆ SEDIS APOSTOLICÆ GRATIA ARCHIEPISCOPUS GRANATENSIS, REGNI SENATOR, INSIGNIS AC REGALIS ORDINIS AMERICANI CATHOLICÆ ELISABETH MAGNA CRUCE DECORATUS, REGIUS CONCIONATOR AC CONSILIARIUS, ETC., ETC.

Dilecto Nobis in Christo *D. Francisco ab Avila Ruiz Polo, Pbro. nostro Cappellano*

salutem in Domino sempiternam. Cum Sacrosanctum Pœnitentiæ Sacramentum unicum sit pro iis, qui post baptismum in peccata labuntur remedium, cujus rectâ et convenienti applicatione omnes etiam gravissimi animarum morbi curantur, nihil unquam magis optamus, quam ad tantum munus utiliter obeundum idoneos vitæ exemplo, rerum divinarum scientiâ, singularique discretione ministros semper habere. Quare te, his virtutibus satis ornatum judicantes, facultatem impertimur ad tempus *nostra voluntatis* duraturam, ut in hac nostra Archidiecepsi, sine juris parochialis præjudicio *hom. mulier. et Monial.* confessiones audias, atque remediis congruentibus adhibitis, medicinalibusque et salutaribus pœnitentiis impositis, ab omnibus peccatis, præterquam Sanctæ Sedi, et Nobis, jure ac Synodo reservatis, absolvere possis, et absolvas. Utere ergo potestate acceptâ ad ædificationem, non ad destructionem, ritè dispositos, atque in Religionis mysteriis benè instructos, absolutionem impendendo, indispositos et ignorantibus denegando, donec moralem de legitima dispositione sufficientique instructione certitudinem sis consecutus: cumque peccata radicitiù evelli oporteat, enixè jube atque instantè operare, ut si quas proximas occasiones, aut peccandi consuetudines inveteratas inveneris, omnes de medio tollantur et funditus eradicentur. Patientissimè omnium defectus sustine, eos benignè audiendo, non durius statim increpando, sed ad finem confessionis, si aliquando opus fuerit, potius differendo, ne loquentis memoriam perturbes, aut erubescenti silentium imponas; ad animam coram Deo effundendam, qui Pater misericordiarum, verè contritis veniam promittit; ad morum reformationem, Sacramentorumque frequentiam semper hortando; etiamque generalium confessionum necessitatem ac profectum, cum juxta personarum circumstantias opportunum videatur, magnoperè commendando. Memento insuper te esse Judicem, Medicum et Magistrum. Quatenus Judex, ad te spectat reos absolvere vel ligare; reus ergo non sis, immò irreprehensibilem, et exemplum bonorum operum te ipsum præbe, et sit rectè judicabis: *Anima enim viri sancti enuntiat vera.* Ut Medicus, debes ægroti curam habere, salutaria remedia adhibendo, ut vulnera non tegere sed sanare cures: *Superimponendo vinum et oleum vulneribus sauciati.* Ut Magister, adiectione personarum viscera charitatis omnibus exhibe, velut *si nutrix foveat filios suos.* Quæ gravia munera non alitè rectè ac licitè adimplebis, nisi uniuscujusque officii scientiam habeas, ad quam adipiscendam studio et orationi vacare oportet: et si quid arduum vel difficile inveneris, in quo decernendo sis hæsitans, absolutionem differo, donec pœnitentiis veniâ sapientiores consulas. Inviolabile confessionis sigillum perpetuò serva, ne irremissibiles pœnas à sacris Canonibus inflictas subeas; semperque summoperè cave, ne dum alios à peccatorum laqueis liberare curas, te infeliciter implices. Præterea, Constitutiones Apostolicas, præcipuè verò Benedicti XIV Pontificis Maximi, incipientes: *Sacramentum Pœnitentiæ*, kalendis Junii anno 1741, *Apostolici muneris*, sexto idus Februarii 1745, et *Apostolici ministerii*, octavo idus Decembris 1749, adversus sollicitantes, venereum complicem, et sigillistas editas, necnon propositiones à Summis Pontificibus Clemente VIII, Alexandro VII, Innocentio XI et Alexandro VIII damnatas præ oculis habe. Et præsertim seriò præcipimus, ne in privatis domibus, nec in earum privatis Oratoriis, Sanctum Sacramentum administres nisi gravi coactus necessitate, et tunc januis cubiculi apertis; neque mulieribus in ecclesiis, extra confessionale cum cancellis loco publico positum, nunquam verò ipsis ante solis ortum nec post occasum. In reliquo pro tua prudentia et juxta canonicas sanctiones rectè gesturum speramus, non temetipsum sed majorem Dei gloriam et animarum salutem perquam diligenter quaerendo: Tandem, in omnibus ita age, ut nec Nos de facultate tibi concessa unquam pœniteat, nec tu, ea male utendo, iram Domini provoces, sed potius æternam remunerationem, quam tibi valdè efficaciter et amanter adprecamur, ritè ministrando accipias. Datis *Granata die octava* mensis *Maii* anno millesimo octingentesimo *sevagésimo septimo.*

*Valeat etiam ad concionand., et sanct. Missa Sacrif. peragend., nec non pro casib. reservat. synodal. absolvend. =*

*Benvolutus. Archiepiscopus Granatensis.*



Excmi. ac Illmi. Dñi. mei Archiepiscopi mandato.

*Raymundo y Molina*

LICENTIA CONFESIONES AUDIENDI.

Reg. lib. 7.º fol. 20.



CASUS RESERVATI.


1. Perjurium cum notabili factum.
2. Absolutio majoris excommunicationis.
3. Decimarum primitiarumque.
4. Manus violentas in clericum Papæ non est reservatum.
5. Votorum atque juramentorum.
6. Incertorum bonorum retentionem.
7. Ecclesiasticæ immunitatis abrogationem.
8. Dispensatio ad debitum per simplex castitatis aut religionis et contraxit.

9. Blasphemia publica.
10. Magia vel incantatio.
11. Homicidium voluntarium.
12. Copula cum moniali professa.
13. Incestus in primo atque in secundo gradu consanguinitatis; necnon in primo et secundo gradu affinitatis, ortæ ex copula licita vel illicita.
14. Sodomia et bestialitas.
15. Scripturarum falsificatio.
16. Incendium ex industria patratum.



7 400 40 **Galifa** MADE IN SPAIN






# CASUS RESERVATI.

1. Perjurium cum notabili proximi damno in iudicio factum.
2. Absolutio majoris excommunicationis.
3. Decimarum primitiarumque retentio.
4. Manus violentas in clericum injicere, cum hoc peccatum Papæ non est reservatum.
5. Votorum atque juramentorum dispensatio.
6. Incertorum bonorum retentio.
7. Ecclesiasticæ immunitatis ac libertatis violatio.
8. Dispensatio ad debitum petendum ei concessa qui, post simplex castitatis aut religionis emissum votum, matrimonium contraxit.

9. Błsphemia publica.
10. Magia vel incantatio.
11. Homicidium voluntarium.
12. Copula cum moniali professa.
13. Incestus in primo atque in secundo gradu consanguinitatis; necnon in primo et secundo gradu affinitatis, ortæ ex copula licita vel illicita.
14. Sodomia et bestialitas.
15. Scripturarum falsificatio.
16. Incendium ex industria patratum.









C  
001  
071  
(36)

450-221167  
12872450